



Abyanke Baibulu Wú

Sandye Tswashe Wa Snu Ayna Khikhiri Ge Nya



Ynaka yi: Edward Hughes

Za wa muɓe do nya: Byron Unger; Lazarus
Alastair Paterson

Za wa go nya: Bob Davies; Tammy S.

Bmapmyi yi: www.christian-translation.com


Kpmáknàyi yi: Bible for Children
www.M1914.org

©2022 Bible for Children, Inc.


Gbegi: He yi kala yi he kpma Bendye hni ndye he gà knunu m.

Za snu yi na? Bibulu, Tswashe beta, a da shnandye Zangoti bo a la nya. É esa kpmawa yi lo, Tswashe wa snu Eza byebye nyi ga yi wo Adomu. Twashe a snu Adomu e munjna lo. Sandye Tswashe wa snu esnu dna Adomu ge nya, wo ga ze eza wyewye yi.

Wo ga dye wo dyewye dna e baznudna bmyabmya yi lo.




Tswashe wo le snu Adomu, wa Nyize bmyabmya yi nu de anya mari yi byeyi. Kpedo-kpedo Tswashe wa aknuknu snu, de ekniba yi, agbmango wyeda yi, de atsnunwa yi, alu fnuta yi, esnu, anuwna nya, de eka yi.



3


E nyichi lo, Tswashe wo le snu nya nya-nya, nyanya é be yi lo m Tswashe a bwa yi n. Azangoti dodo aba dodo anya é be yi lo m. Nyanya é be yi lo m. Ena de wyejnimgbma be yi lo m. Shenzhi bwa de eknibwa yi. Sugo ndye a duya la de sugo ndye ga zhizhya. Tswashe ndye Wo yi nyichi yi nya wa bwa yi lo n. Ezni Tswashe ga lo tnutnu!



É nyichilo, Tswashe wa snu shenzhi de ekni yi.


4

Ke ekni ga be yi gbegeberi tna 'pma. Ke wyejnimgbma ga be kpe é wo lo. Ezni Tswashe ga da beta. "Gi bawyekna é yi lo."




5

Ke bawyekna ga yi lo. Tswashe ga yi bawyekna wyangosa ke ga yi wyejnimgbma tsongosa. Ke geznu de labmiyi ga yi efye byebye nyi.




6

E efye babari lo, Tswashe ga ye nuwna gnudo gaze edna lugoyi, shigo de dnapa yi é shenzhi botayi bo. Efye chari lo, Tswashe ga gna, "fya ekni é gbmi tu." Ke ga zelo.




7

Tswashe ga gi agbmango, afnunte mari, atsnunwa ba kna zhi. Ke бага kna zhi. Ke geznu de labmiyi yi ga yi efye chari.




8

Ezni Tswashe ga snu wyango, de epya yi de akudu yi mwa bere ndye zaza á chnibo wo ba banya m. Ke gyeznu de labmi yi ga yi efye nyiri.



9


Anyasnu nuwna nyi de ashewo yi de Alu yi ba be é anya ndye Tswashe Wa be ga snu nya lo. E Efye tnuri lo Wo ga snu ashewo lugoyi de abyiri yi, Alu lugoyi de Alu beredó nyi yi. Tswashe Wa shewo dodo bye snu dye é nu ekni nuwna de alu dodo bye yi dye ba snu pma de ekni yi de nuwna yi de shenzhi yi. Ke gyeznu de labmi yi ga yi efye tnuri.



10

E wori nyíbmwa lo, Tswashe ga de beta da, ga gna, “ekni wo kna anya wyewye snusnu yi zhige...” Anyakpa, anyawewye ga kna zna. Adagba, anakpa de anyagagba yi. Ajnu de Bare yi. Anyakpa dododo nyíbye Tswashe Wa snu ba fyeri hna n.

Ke gyeznu de labmi yi ayi efye tnuwniri.



11


Tswashe ga da bedezhi snu é ‘fye tnuwniri lo- ebo lugoyi. Nyanyanya a bá gnu zangoti bwa. Anyadyi de anyakpayi dye wo snu ‘pma geyi. Ke Tswashe ga gna, fya dye ya zangoti snu ndye yi dye nyi. Dye wo yi anya mama dageyi.

EZNI TSWASHE GA ZANGOTI SNU DNA É WODYE NYANGOYI DOGBE LO; DNA É TSWASHE DOGBE LO WA SNU.




12

Tswashe gá dà beta de Adomu yi. “Dyi nya ndye ba he nya é kapu hni bo”. Tso le dyi tsumwa be mari de bebi yekpe nyi yi m. He gá dyi he gà chni tsutsu.



13

Ke DAGEYI TWSWASHE ga gna, “ebmya minsa wo yi knari yi m. Mi ga snu bmasnuyi gi wo.” Tswashe ga ku Alu de anyafanyidiyi yi zhi Adomu ge. Adomu ga kpe ba ye khikhiri. Wa be yi betitikpeyi yi n wo chni be hyna be wo snu n. Tso é Alu lo de Anyafanyidiyi yi zanbe ndye bmyabmya de Adomu yi nya é be yi lo m.




14

Tswashe ga Adomu wnare chnám. Ke ga wo bala gbmiyi, Tswashe ga snu Nyigoza de Adomu bala yi. Nyigoza ndye Tswashe wa snu nya wa bá gogo de Adomu y.



15

Tswashe wa snu anyanyanya fi e wyangofye gnu tnuwni lo. Ezni Tswashe ga 'kni mari tu wyangofye tnabari ke gaze snuda 'fye. Dna é Idin Kapu lo, Adomu de wo nyigo Awawu yi ba be yi gbmada yi dyegoyi-dyegoyi ba gi Tswashe mwamwa. Tswashe Wa be yi ba DAGEYI yi, ba 'nyagiyi de ba nawnado yi.



16

Sandye Tswashe Wa Snu Ayna Khikhiri Ge Nya


Beta é Tswashe Beta lo, Bibulu,

A dyewye dna é

Nyichiyi 1-2

“He beta dódo gi ba wyekna.”
Zabura 119:130

17



1

60

18

Baibulu beta ndye hni da Tswashe ndye
Wa snu yi ke wo ye dye he kpe wo ye nya beta gi yi.

Tswashe kpeko dye ya abekasa snu, ndye Wo yi bebi nya, bebi bechnu yi etsu, tso Tswashe ye he bo dyego-dyegoyi Wo ga Wo Ebyi egba tnu, Yesu, dye Wo tsu ku é znudu lo ke a tsnu wo 'bo é he abebi belo. Ezni Yesu ga dezekpe zhi wyewye yi ke wo ga lo epi Shenzhi! Ndye he ga wyegu gi Yesu ke he ga go 'bwadu, Wo ga snu! Wo ga zhi wo ba dna é he lo bonleyi, ke he kpa yi de wo yi nyize-nyize.

Ndye he ga wyegugi, da bendye hni gi Tswashe:
Yesu, Ma wyegugi He yi Tswashe n, ke he ga ze zango gi he tsu é mi abebi belo, ke bonle yi He de yi. Tsugu zhi he ba dna é mi bo ke he pya mi abebi ya, ke gi mi bwa wyewye wowoyi ezni, ke fyedeyi mi le kpayi de He yi nyize-nyize. Bmamisu dye mi gi he mwamwa ke mi re nyize shnandye he 'byi nyi. A ze lo.

Ba Baibulu ke he da beta de Tswashe yi fyefye fyeo!
Yowana 3:16

19